

12/11/1999

Pemuda buka sekretariat

KUALA LUMPUR, Khamis - Pergerakan Pemuda Barisan Nasional (BN) melancarkan sekretariatnya di tingkat 37, Pusat Dagangan Dunia Putra (PWTC) di sini bagi memantau semua 193 kawasan Parlimen untuk memastikan jentera Pemuda bergerak lancar.

Timbalan Pengerusi Pemuda BN, Datuk Abdul Aziz Sheikh Fadzir berkata, Pemuda BN akan secara agresif mengerakkan usaha 'gerak gempur' untuk memastikan rakyat mendapat maklumat tepat.

"Melalui sekretariat itu juga Pemuda akan bertindak memastikan tidak ada masalah serta bertindak secara proaktif bagi mengatasi masalah yang boleh dibantu dari peringkat Pusat," katanya di sini, malam ini.

Sekretariat yang akan diketuai oleh Exco Pemuda Umno, Zulkifli Alwi, akan beroperasi 24 jam dengan dibantu kira-kira 100 petugas termasuk sukarelawan.

Abdul Aziz berkata, sekretariat itu membantu melicinkan pergerakan jentera pilihan raya Pemuda BN, yang dijangka dilancarkan Datuk Seri Dr Mahathir Mohamad, Sabtu ini.

Katanya, ia akan diikuti dengan pelancaran jentera pilihan raya umum Pemuda BN di seluruh negeri.

(END)